



353
1333

Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-05-18645-100/19
Sarajevo, 05.06.2019. godine

SKUPŠTINA KANTONA SARAJEVO
-OVDJE-

Predmet: Izjašnjenje na zastupničko pitanje zastupnika Samira Suljevića, dostavlja se

Zastupnik Samir Suljevića je na Osmoj radnoj sjednici Skupštine Kantona Sarajevo održanoj dana 14.05.2019. godine u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovnikom Skupštine Kantona Sarajevo, postavio sljedeće zastupničko pitanje:

„Na osnovu člana 106. Poslovnika Skupštine Kantona Sarajevo („Službene novine Kantona Sarajevo, br. 25/10, 14/11, 19/11, 7/12 i 26/12) upućuje zastupničko pitanje: Da li navedena ministarstva imaju informacije ili izvještaje o dosljednoj primjeni prava po osnovu Zakona o dopunskim pravima boraca – branilaca („Službene novine Kantona Sarajevo“, br. Z45/12, 26/14, 46/17).

Obrazloženje – Veliki broj pripadnika boračkih kategorija mi se obratio sa molbom da postavim ovo pitanje. Iako su navedenim zakonom boračkim kategorijama predviđena određena prava ista u stvarnosti ne mogu ostvariti. Prije svega se to odnosi na set prava koji se odnose na: Zdravstvenu zaštitu, Obrazovanje, rad i socijalnu politiku. Navest ću samo par primjera: Iako djeca boračkih kategorija navedenim zakonom imaju pravo na besplatno školovanje, udžbenike itd. isto pravo u većini ustanova ne mogu ostvariti pogotovo u Visokoškolskim ustanovama gdje im se kao uslov za upis nalaže plaćanje školarine i upisa. Prilikom zapošljavanja korisnici prava prema ovom zakonu nemaju pravo prvenstva pri zapošljavanju. Tražim odgovor i izvještaj da li se zakon primjenjuje i da li je nekada bilo pokrenutih postupaka ili utvrđene odgovornosti zbog nepoštivanja zakona te molim sve da se u narednom periodu obrati pažnja na ovu problematiku kako bi pripadnici boračkih kategorija mogli u potpunosti ostvariti svoja prava predviđena zakonom“.

Na pokrenuto zastupničko pitanje dajemo sljedeće

I Z J A Š N J E N J E

Ministarstvo za boračka pitanja Kantona Sarajevo, vezano za navedenu inicijativu ističe sljedeće:



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića 1



Zakonom o dopunskim pravima boraca - branitelja Bosne i Hercegovine („Službene novine Kantona Sarajevo“, br. 45/12-Prečišćeni tekst, 26/14, 46/17 i 18/19), i to tačkom 1., članovima 6., 7. i 8. regulisano je pitanje zdravstvene zaštite.

Shodno članu 6. pomenutog Zakona, predviđen je način regulisanja prava na zdravstvenu zaštitu, te je u istom navedeno da:

„Lica iz člana 1. ovog Zakona, ukoliko ne mogu ostvariti status osiguranog lica po propisima iz oblasti zdravstva, ostvaruju to pravo po ovom zakonu.

U slučajevima iz prethodnog stava obveznik uplate doprinosa za zdravstveno osiguranje je Ministarstvo za boračka pitanja Kantona (u daljem tekstu: Ministarstvo)“.

Članom 7. istog zakona precizirano je da:

„Prošireni obim prava na zdravstvenu zaštitu za ratne vojne invalide propisan je Odlukom o proširenom obimu prava na korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo („Službene novine Kantona Sarajevo“, br. 13/04 i 11/06)“.

Članom 8. pomenutog Zakona regulisano je da:

„Ratni vojni invalidi, članovi šehidske porodice-porodice poginulog branitelja i umrlog ratnog vojnog invalida oslobađaju se od obaveze ličnog učešća osiguranih lica u troškovima korištenja zdravstvene zaštite i snošenju troškova liječenja na teritoriji Kantona“.

Ovo ministarstvo nema saznanja da je ijedno lice iz člana 1. Zakona o dopunskim pravima boraca - branitelja Bosne i Hercegovine („Službene novine Kantona Sarajevo“, br. 45/12-Prečišćeni tekst, 26/14, 46/17 i 18/19), bez priznatog prava na zdravstvenu zaštitu, jer kako je i zakonom predviđeno, da lica iz člana 1. ovog Zakona, ukoliko ne mogu ostvariti status osiguranog lica po propisima iz oblasti zdravstva, ostvaruju to pravo po ovom zakonu, odnosno putem ovog Ministarstva.

Što se tiče proširenog obima prava na zdravstvenu zaštitu za ratne vojne invalide dosljedna je primjena Odluke o proširenom obimu prava na korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo („Službene novine Kantona Sarajevo“, br. 13/04 i 11/06)“.

Ovo Ministarstvo, također nema saznanja da se član 8. pomenutog Zakona ne primjenjuje u praksi.

Tačkom 5., članom 23. regulisano je pitanje prioriteta u zapošljavanju pa je tako članom 23. Zakona o dopunskim pravima boraca - branitelja Bosne i Hercegovine („Službene novine Kantona Sarajevo“, br. 45/12-Prečišćeni tekst, 26/14, 46/17 i 18/19), predviđen način ostvarivanja prava na prioritet u zapošljavanju kojim je precizirano da:

„Lica iz člana 1. i 2. ovog Zakona ostvaruju pravo na prvenstvo pri zapošljavanju, a pri tom prioritet imaju djeca šehida-poginulih branioca, umrlih ratnih vojnih invalida i umrlih dobitnika ratnih priznanja i odlikovanja.

Kantonálni organi uprave i kantonálne upravne organizacije, Grad Sarajevo, općine, kao i sva pravna lica čiji je osnivač Kanton, Grad Sarajevo ili općina, odnosno koja se finansiraju iz



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića 1



budžeta sa učešćem od najmanje 25 %, dužni su prilikom prijema u radni odnos obezbjediti prioritet licima iz člana 1. ovog Zakona, kao i članovima uže porodice ratnog vojnog invalida“.

Ovo ministarstvo na osnovu pismenog zahtjeva zainteresiranog lica iz člana 1. i 2. pomenutog Zakona, odnosno propadnika boračke kategorije, pisanom preporukom podsjeća poslodavca na obavezu primjene člana 23. Zakona o dopunskim pravima boraca - branitelja Bosne i Hercegovine („Službene novine Kantona Sarajevo“, br. 45/12-Prečišćeni tekst, 26/14, 46/17 i 18/19).

Tačkom 7., članom 25. regulisano je pitanje prvenstva upisa u obrazovne ustanove i besplatno školovanje, pa je tako članom 25. Zakona o dopunskim pravima boraca - branitelja Bosne i Hercegovine („Službene novine Kantona Sarajevo“, br. 45/12-Prečišćeni tekst, 26/14, 46/17 i 18/19), predviđen način ostvarivanja prava na prvenstvo upisa u obrazovne ustanove i besplatno školovanje, kojim je precizirano da:

„Pod jednakim uvjetima utvrđenim posebnim propisima, lica iz člana 1. ovog Zakona, kao i njihova djeca, imaju pravo na prvenstvo upisa i besplatno školovanje u obrazovnim ustanovama čiji je osnivač ili suosnivač Kanton ili Grad Sarajevo ili općina.

Lica iz člana 1. ovog Zakona imaju pravo na besplatno doškolovavanje, odnosno prekvalifikaciju radi sticanja neophodnog stepena obrazovanja koje im je potrebno radi obavljanja određenih poslova, a isto nije u mogućnosti da obavlja poslove na koje je bilo raspoređeno prije nastanka invalidnosti.

Djeci šehida i poginulih branioca, djeci ratnih vojnih invalida i dobitnika ratnih priznanja i odlikovanja upisanim na visokoškolske ustanove, kao redovni i samofinansirajući studenti, omogućava se pravo školovanja na teret Budžeta Kantona, kao i prednost prilikom upisa, posebnom odlukom Vlade Kantona.

Obrazovne ustanove iz prethodnog stava će svojim pravilima ili drugim aktima utvrditi način i uvjete za korištenje ovog prava“.

Ministarstvo za boračka pitanja Kantona Sarajevo je svojim zakonom regulisalom pitanje školovanja djece šehida i poginulih branioca, djece ratnih vojnih invalida i dobitnika ratnih priznanja i odlikovanja upisanim na visokoškolske ustanove, kao i Ministarstvo za obrazovanje, nauku i mlade Kantona Sarajevo a što je u potpunosti i ispoštovano da se redovnim i samofinansirajućim studentima, omogućava pravo školovanja na teret Budžeta Kantona, kao i prednost prilikom upisa.

S obzirom na činjenicu da se na mnogo mjesta u odgovoru cijenjenom zastupniku spominje član 1. i član 2. ovog Zakona to iste i preciziramo:

Član 1.

„Ovim zakonom se uređuju prava, uvjeti i postupak za ostvarivanje prava, korištenje i prestanak prava, sredstva za finansiranje prava, kao i druga pitanja od značaja za ostvarivanje prava ratnih vojnih invalida i članova njihovih porodica, članova porodica šehida, članova porodica poginulih umrlih i nestalih branioca, dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, ratnih vojnih zarobljenika i demobiliziranih branilaca kao lica zaslužnih u odbrambeno-oslobodilačkom ratu sa područja Kantona Sarajevo (u daljem tekstu: Kanton), a u skladu sa raspoloživim budžetskim sredstvima“.



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1



Član 2.

„Pod pojmom:

- porodica šehida i porodica poginulog, umrlog, nestalog branioca,
- branilac,
- dobrovoljac i organizator otpora,
- veteran,
- učesnik rata,
- ratni vojni invalid, mirnodopski vojni invalid,
- dobitnik ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja,

smatraju se lica koja su definisana čl. 2., 3. i 4. Zakona o pravima branilaca i članova njihovih porodica („Službene novine Federacije BiH“, br. 33/14, 56/05-Ispravka, 70/07 i 9/10),(u daljem tekstu:federalni zakon).

Pod pojmom članova porodice šehida i porodica poginulog, umrlog, nestalog branioca i umrlog ratnog vojnog invalida smatraju se lica definisana članom 17. federalnog zakona.

Pod pojmom zajedničko domaćinstvo smatra se zajednica stanovanja, privređivanja i trošenja ostvarenih prihoda.

Pod pojmom dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja smatraju se lica koja su definisana članom 1. i 2. Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH“, broj 70/05).

Pod pojmom ratni vojni zarobljenik smatra se branilac koji je vršeci vojnu dužnost zarobljen od strane agresora na Republiku Bosnu i Hercegovinu.

Napominjemo da je članom 67. Zakona o dopunskim pravima boraca - branitelja Bosne i Hercegovine („Službene novine Kantona Sarajevo“, br. 45/12-Prečišćeni tekst, 26/14, 46/17 i 18/19) regulisano da o priznavanju prava iz člana 6. ovog Zakona, rješenje donosi općinski način a u drugostepenom upravnom postupku o pravima iz ovog zakona rješava Ministarstvo.

S poštovanjem,



Dostaviti:

- Predsjedavajućem Skupštine Kantona Sarajevo,
- Ⓢ -Sekretaru Skupštine Kantona Sarajevo,
- Sekretaru Vlade Kantona Sarajevo,
- A/a.



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića 1

